

Pablo lelpox carta Éfeso paklowaxpijiwliajwa

Pablo lelpox carta Éfeso paklowaxpijiwliajwa

1 Xan Pablo, Dios namakafit Jesucristo pej-apóstol nadofaliajwan. Lelx ampox carta xamal Éfeso paklowaxpijwamliajwa, Jesucristo pejwñajan naexasitampimliajwa. **2** Xan waj-ax Dios kawñajna, wajpaklon Jesucristobej, xamal kajachawaesliajwa chiekal duilaliajwam, asew jiw swapich.

Dios kajachawaetpox naexasiti Jesucristo pejwñajan

3 Xatis jumchiyaxaes Dios, japon wajpaklon Jesucristo pax: “Xam xabich pachaemam” —chiyaxaes! Dios nakkajachawaesful puexa nejmach xatisliajwa chiekal pachaemaliajwa japonxotse, naexasisfulas xot Jesucristo pejwñajan. **4** Chajiakolaxtat, Dios ampathat is-el wutfuk, xatis nakmakanoton Jesucristo pejiwaliajwas, Dios pejwñajnael bñwñajanjilaliajwas. **5** Dios naknejxasink xot, japon chajia nejchaxoel xatis japon paxiliajwas, asamatkoi Jesucristo tñpaxael xot xatis babijaxan isaspoanliajwa. Samata, Dios japox nejxasink xot, Jesucristo tñp xatis babijaxan isaspoanliajwa. **6** Samata, amwõtjel xatis pomatkoicha jumtis Diosliajwa: “Xam xabich pachaemam, nabeltaenam xot” —tis xatis japonliajwa. Jasoxtat Dios xatis nakbeltaen paxulan Jesucristo, xabich nejxasinkpon, pijaxtat. **7** Dios xabich naknejxasink xot, paxulan to'a tñpaliajwa cruztat. Samata, xatis babijaxan isaspoan ajil Diosliajwa. **8** Ja-aech wõt, chiekal matabijas Dios xabich naknejxasinkpox. Ja-aech wõtbej, Dios naktapaei pejjamechan chiekal matabijaliajwas. **9** Dios chajia nejchaxoel asamatkoi to'aliajwapon Cristo, japon tato'laliajwa puexa ampathatpijiw. Japox majt chinax kaen aton matabijs-elfuk. Dios xatis naktapaei japox chiekal matabijaliajwas. **10** Japoxlap asamatkoi jachiyaxael.

Japamatkoi wut, Dios tapaeyaxael Jesucristo puexa tato'lalajwa ampathatpijw, Diosxotsepibej.

11 Xatis nalaela-esal wutfuk, Dios chajia nakmakannot Jesucristo pejiwaliajwas. Samata, Dios naktapaeyaxael pomatkoicha duilalajwas japonxotse, Cristo suapich. Japoxlap chajiakolaxtat Dios nejchaxoel. **12** Xanal, judíos, matxoela naexasitx Jesucristo pejwajan. Samata, xanal jum-an Diosliajwa: “Xam xabich pachaemam” —an, japon xajur xot puexa isliajwa. **13** Xamalbej, judíos-emilpim, jumtaenam wut chimiawajan, Cristo pejwajan, diachwajnakolaxpox, naexasitam japawajan Dios xamal bu'weliajwa. Japawajan naexasitam wut, Dios to'ak Espíritu Santo xamalxotaliajwa kajachawaesliajwabej, chiekal matabijaliajwam xamal japon pejiwampox. Ja-aech, Espíritu Santo xamalxot pask wut, Dios jumdutpox pat xotlixo xamalxot. **14** Espíritu Santo wajmatpuatanxot. Samata, chiekal matabijas diachwajnakolax pomatkoicha duilaxaes Diosxotse. Dios nakchaxduiyaxaelbej puexa xatishliajwa owapi-pon, wejewliajwa. Samata, xatis jumtis Diosliajwa: “Xam xabich pachaemam” —tis, japon xajur xot puexa isliajwa. Asew jiw, we'ppifuk naexasisliajwa Jesús pejwajan, japi puexa naexasit wut Jesús pejwajan, Dios japoxan nakchaxduiyaxael, owapi-pon wejewliajwa.

Pablo kawajanpox Dios, Jesús pejwajan naexasiti chiekal matabijaliajwa

15 Xan xamal wultaenx chiekal naexasitampox wajpaklon Jesús pejwajan. Wultaenxbej nejxasinkampox puexa Dios pejiw. **16** Samata, xan pomatkoicha Dios kawajnajx xamalliajwa. Kawajnajx wut, jum-an Diosliajwa: “Gracias-an, Éfeso paklowaxpijwbej naexasit xot Jesucristo pejwajan” —an Diosliajwa. **17** Dios, athaxotsepon, japon wajpaklon Jesucristo pax, xabich pachaem. Dios kawajnajx wut xamalliajwa, Dios jum-an Espíritu Santo xamal kajachawaesliajwa Dios chiekal matabijaliajwam. **18** Dios kawajnajxbej xamal chiekal matabijaliajwam Dios chaxduiyaxaelpox. Xabich pachaem japox, xamal Dios pejiwam wajanawetampox. **19-20** Dios kawajnajxbej xamal chiekal matabijaliajwam, japon xabich mamnik. Samata, Dios xajur nakkajachawaesliajwa, Jesucristo pejwajan naexasichpis. Cristo tur wut, Dios mat-echpon pejme dukaliajwa. Ja-aech

wut, Dios itpaei pejpamamax. Do jawux, paxulan bu'folon athu poxase ekaliajwa japon pejpoklalel, tato'laliajwabejpon, japon suapich. **21** Samata, amwutjel Jesús kaes paklon. Me-ama puexa tato'alpi, athuxotsepi, ampathatpijiwbej, jachi-el Jesús. Pomatkoicha tato'laxaelon. **22** Dios tapaei Cristo puexa tato'laliajwa. Samata, Cristo puexa jiw tato'laful. Cristo tato'lafulbej puexa japon pejwujajan naexasitpi. **23** Cristo pejwujajan naexasiti, puexa japi jiw Cristo pejbu't wut, ja-aechi. Samata, Cristo japixot. Japon xajur puexa isliajwa athuxot, ampathatxotbej.

Dios bu'wiapox jiw, xabich nejxasink xoton

2 Xamal majt babijaxan isfulam wut, me-ama patupa, ja-am Diosliajwa. **2** Ja-am wut, xamal duilam, me-ama ampathatpijiw, isfulam xot Satanás tato'alpoxan. Satanás puexa dep tato'al. Japi, dep, pothata xajur. Nanuamtbej athu. Satanás tato'albej jiw, naexasis-elpi Dios, babijaxan isliajwa. **3** Xatis majt, me-ama asew jiw, japi Dios matabija-elpi wut, jatis. Jatis wut, isfulas babijaxan, wajut isasiaspoxan. Me-ama asew jiw, Dios xabich kastikaxaespi, Dios nakjachisiabej xatisliajwa, nakkastikasia wut. **4** Jatis wut, Dios nakiowa nakbeltaeful, xabich naknejxasink xoton. **5** Xatis majt xabich babijaxan isfulas xot, me-ama patupawas wut, jatis Diosliajwa. Amwutjel xatis Jesús pejiws. Samata, xatis, Jesús suapich, me-ama Dios nakmat-ia wut, jatis pejme duilaliajwas. Dios nakbeltaen xot, nakbu'wia. **6** Asamatkoi Dios xatisbej nakmat-eyaxael pejme duilaliajwas. Me-ama Jesús mat-ech pejme dukaliajwa, jachiyaxaelbej Dios xatisliajwa, Jesús suapich, chalakaliajwas Diosxotse naktato'laliajwas. **7** Jasox Dios jachiyaxael xatisliajwa, puexa jiw pajut chiekal matabijaliajwa, diachwujajnakolax Dios xabich naknejxasink. Nakbeltaenbejpon, Jesucristo tur xot xatisliajwa. **8** Dios nakbeltaen xot, nakbu'wia, naexasich xot Jesús pejwujajan. Samata, xatis kaenanula jumchiyaxisal: “Dios nakbu'wia, isas xot pachaempoxankal” —chiyaxisal, Dios nakbu'wia xot malech. **9** Dios nakbu'we-el, isas xot pachaempoxan. Samata, jkaenanula nabej jumchitis: “Dios nabu'wia, pachaempoxankal tajut tajaxtat isx xot” —nabej chitis! **10** Dios nakbu'wia Jesucristo pejiwaliajwas, xatisbej isliajwas pachaempoxankal. Dios japox chajia nejchaxoel xatisliajwa, xatis nalaela-esal wutfuk.

**Chiekal duilpox Jesús pejwɔajan naexasiti,
asew jiw sɔapich, kajachawaech xoti Jesús**

11 Xamal, judíos-emilpim, nejchaxoelam wɔt, ɲejchaxoelde ampoɣ! Judíos, japi circuncidaspi Dios pejmarkaxliajwa, japi xamal majt nejwesla, xamal circuncida-emil xot. **12** Jawɔt xamal matabija-emilfuk Jesucristo pejwɔajan naexasisliajwam. Majt xamal Dios pejjiwa-emil. Me-ama judíos, jachi-emil. Matabija-emilbej Dios ɲɔmdutpox xamalbej bu'weliajwa. **13** Xamal majt Dios matabija-emil. Pe amwɔtjel, Cristo tɔp xot xamalliajwa, japon pejjiwam. Chiekal matabijambej Dios. **14** Xanal judíos, xamal judíos-emilpimbej, amwɔtjel Jesucristo nakkajachawaet xot, me-ama koews wɔt, jatis. Samata, amwɔtjel kaemɔch. Xanal judíos, xamal judíos-emilpimbej, majt xatis nakaewa nanejweslas. Pe amwɔtjel, japox chiekal toep, Cristo tɔp xot cruztat xatis babijaxan isaspoxanliajwa. **15** Cristo tɔp xot xatis babijaxan isaspoxanliajwa, Moisés chajia lelpox tato'alpox, japox toep. Samata, xanal judíos, xamal judíos-emilpim sɔapich, xatis Cristo pejjiws, naexasich xot japon pejwɔajan. Jatis wɔt, kaenanɔla xatis chiekal pachaems Diosliajwa, Cristo tɔp xot xatisliajwa. **16** Cristo tɔp wɔt cruztat, xanal judíos, xamal judíos-emilpimbej, kofas nakaewa xatis nanejweslaspox kaemɔtaliajwas. Jawɔtbej xatis chiekal pachaems Diosliajwa, naexasich xot Jesucristo pejwɔajan.

17 Cristo pat wɔt ampathatat, xapaton chimiawɔajan xatis kaenejchaxoelaxliajwas, chiekal duilaliajwas, asey jiw sɔapich. Japon naewɔajan japawɔajan judíos-elpi. Japi jiw majt Dios matabija-el. Naewɔajanbejpon judíos. Judíos chajia chiekal matabija Dios pejjamechan. **18** Xamal judíos-emilpim, xanal judíospinbej, Jesucristo tɔp xot puexa xatisliajwa, Dios pajut naktapai japon Dios kawɔajnalijwas. Jatis wɔt, Espíritu Santo nakkajachawaesful Dios kawɔajnalijwas. **19** Samata, xamal judíos-emilpim, amwɔtjel, me-ama asajiwa-emil wɔt, jachi-emil Diosliajwa. Amwɔtjel Dios pejjiwam. Me-ama xanal judíos, jambej xamal amwɔtjel, judíos-emilpim. Samata, Diosliajwa, xatis chiekal koews, Dios pejjiws xot. **20** Xamal, me-ama Dios pejba wɔt, ja-am Diosliajwa. Jesucristobej, me-ama ia't, matxoelapijt batɔakso'tpijtaliajwa, kaes pejme pachaempot, ja-aech Jesús. Apóstoles, profetasbej, xamal matxoela naewɔajan xot

Dios pejjamechan, japi, me-ama asew ia' wut, matxoela-owaspi satat ba chiekal mamnikaliajwa, ja-aech japi jiw. **21** Xatis Cristo pejwujajan naexasich xot, chiekal kaemuch. Samata, xatis, me-ama Dios pejtemploba wut, jatis Diosliajwa. **22** Xamalbej, asew jiw suapich, Cristo pejjiwam xot, me-ama Dios pejtemploba wut, ja-am, Espiritu Santo duk xot nejmatpuatantat.

**Pablo to'aspoX naewuajnalijwa
judíos-elpi chimiawuajan, Jesús pejwujajan**

3 Xan Pablo, jiw jebatat najia, xamal, judíos-emilpim, naewuajnax xot chimiawuajan, Jesús pejwujajan. **2** Xamal chiekal matabijam. Dios nato'a xamal naewuajnalijwan japawuajan, xabich pachaem xoton xanliajwa. **3** Dios nejchaxoel xamalbej beltaeliajwa. Japoxliajwa Dios xan natapaei chiekal matabijsliajwan, majt jiw matabija-elpoxfuk. Japoxliajwa amwutjel ampacartaxot kaejamechan lelX. **4** Xamal ampoX carta xaljowam wut, najut chiekal matabijaxaelam Cristo pejwujajan xan matabijtaxpox. Japawuajan xamalliajwabej. **5** Majt Dios tapae-el japawuajan asew jiw matabijaliajwa. Amwutjel Dios tapaei apóstoles, profetasbej, japi matabijaliajwa japawuajan, Espiritu Santo kajachawaech xoti. **6** Majt japawuajan chiekal maliach. Chajia jiw matabija-el. Japawuajan amwut lelaxaelen. Judíos bu'weyaxaes Dios. Jachiyaxaesbej judíos-elpi, naexasit wuti Jesús pejwujajan. Amwutjel judíos-elpi, judíosbej, japi Cristo pejwujajan naexasiti, puexa japi, Cristo pejbu't wut, ja-aechi. Samata, Dios chaxduiyaxaes chajia jumdutpox judíos pejwujajnapijiwliajwa.

7 Dios nato'a chimiawuajan, Jesús pejwujajan, jiw naewuajnafulaliajwan, xan nabeltaen xoton. Dios nakajachawaesfulbej pejbichax isliajwan. **8** Xan kaes pachaema-enil. Me-ama puexa asew, Dios pejjiw, jachi-enil. Pe nakiowa, Dios natapaei naewuajnalijwan judíos-elpi chimiawuajan, Jesús pejwujajan. Xatis chiekal matabijaxisal Jesúsliajwa, japon xabich pachaempon. **9** Dios, puexa ampathatat ispon, japon xan nato'a naewuajnalijwan puexa jiw jummatbijaliajwa Dios bu'weyaxaespoX, judíos-elpibej. Dios majt tapae-el puexa jiw matabijaliajwa japawuajan. **10** Samata, amwutjel Jesús pejwujajan naexasiti, japi naewuajnaful wut japawuajan, ja-aech wut, ángeles, tato'alpi Diosxotse, pajut chiekal matabijaxael

Dios puexa matabijtpox. **11** Dios chajia nejchaxoel to'aliajwapon Jesucristo ampathat poxasik tɔpaliajwapon puexa jiwliajwa. Do japox diachwɔajnakolax ja-aechlisox. **12** Amwɔtjel xatis Jesús pejwɔajan naexasich xot, Dios nejchachaemil. Samata, wajdala-el Dios kawɔajnalijwas. **13** Samata, xamal jɔm-an nejchaemilasamatam, jiw jebatat najia xoti nabijasliajwan, xamal, judíos-emilpim, naewɔajnax xot. Xan amxotx pachaemaliajwa xamalliajwa. Samata, xamal nejchachaemilde!

Cristo xabich naknejxasinkpox

14 Xan nejchaxoelx wɔt Dios bu'weyaxaelpoxliajwa xamal judíos-emilpim, xan brixtat nukx waj-ax Dios kawɔajnalijwan xamalliajwa. **15** Japon kaen, waj-ax Dios. Puexa athɔxotsepi, puexa jiw ampathatpijiwbej, waj-ax Dios isas xot, duilafɔl. **16** Dios xabich mamnik. Xan Dios kawɔajnax Espiritu Santo xamal kajachawaesfɔlaliajwa, kaes Dios chiekal xanaboejalijwam. **17** Dios kawɔajnaxbej xamal chiekal Cristo xanaboejalijwam pomatkoicha, nejxasinkaliajwambej a sew, naexasiti Jesús pejwɔajan. **18-19** Dios kawɔajnaxbej xamal, puexa a sew, Jesús pejwɔajan naexasiti suapich, chiekal matabijaliajwam Jesús xabich xatis naknejxasinkpox. Xatis chiekal matabijaxisal Jesús naknejxasinkpox. Xamal japox chiekal matabijaxaelam wɔt, me-ama Dios nejchaxoel pachaempoxan, xamalbej jachiyaxaelam.

20 Xatis jɔmtis Diosliajwa: “Xam xabich pachaemam” —tis. Dios xabich kaes xajɔp nakkajachawaesliajwa. Samata, wɔljows wɔt nakkajachawaesliajwa, nakkajachawaes-elon wɔljowspoxtat. Dios kaes pejme nakkajachawaet wɔljowspoxliajwa. Japonbej ma inejchaxoelsdo', japoxtat nakkajachawaes-elon. Kaes pejme nakkajachawaeton. Dios nakkajachawaesfɔl amwɔtjel xatis chiekal duilaliajwas, me-ama japon nejxasink. **21** Pomatkoicha xatis jɔmtis Diosliajwa: “Xam xabich pachaemam” —tis, Dios pejjjows xot. Japox jɔmtis, Dios nakbu'wia xot, Jesucristo tɔp wɔt xatisliajwa.

Chiekal kaenejchaxoelaxpox Jesús pejwɔajan naexasiti, Espiritu Santo kajachawaech xot

4 Xan jiw najia jiw jebatat, a sew jiw naewɔajnax xot Jesucristo pejwɔajan. Xamal jɔm-an chiekal duilaliajwam,

me-ama Dios xamal tato'al, japon xamal makanot xot pejiwaliajwam. **2** Kaenanula xamal najutliajwa nejchaxoelam wut, ¡chiekal nejchaxoelde ampox: “Xan kaes pejme pachaema-enil. Me-ama asey jiw, jachi-enil” —amde, najut nejchaxoelam wut! ¡Pachaemdebej asey jiwliajwa! ¡Xamal kamta nabej nalale!, asey jiw babijaxan is wut xamalliajwa! ¡Xamal nakaewa naboejtalía'e, nakaewa chiekal nanejxasinkam xot! **3** Espíritu Santo xamal kajachawaet xot, kaemutam. Samata, ¡kaenejchaxoelaxde chiekal duilaliajwam bu'wuañanjilaliajwam! **4** Xamal Cristo pejiwam xot, japon suapich, kaebu'tam wut, ja-am. Kaen Espíritu Santo xamal nejmatpuatanxotbej. Xamal wuañanawetam Dios chajia jumdutpox, xamal chaxduiyaxaelpox. **5** Xamalbej, kaen nejpaklon. Japon xamal chiekal xanaboejam bu'weliajwa. Xamal bautisam, kaen Cristo pejiwam xot. **6** Xamalbej kaen nej-Dios. Japonbej nej-ax. Puexa xamal tato'alpon. Japonbej xamal chalaful. Xamal kajachawaesfulbejpon.

7 Cristo nakxadiajk kaenanula bichaxan xatis nabichliajwas, japon pejbichax. Japon nakkajachawaetbej xajupaliajwas, nabistas wut japon pejbichax. **8** Samata, Dios pejjamechan, chajia lelspx, jum-aech wut, jum-aechox Cristoliajwa:

“Cristo athu poxase wut, japon matxoela malecha padaelmajiw. Pejiw, waelapipon ampathatat, japi kajachawaesfulaxaelon japi xajupaliajwa, nabist wut Diosliajwa” —aechox Cristoliajwa.

9 Dios pejjamechan, chajia lelspx, jum-aech wut, jum-aechox Cristoliajwa: “Kaxa nawiasaxoeyon athu poxase” —aechox, majt fuloek xoton ampathat poxasik. **10** Samata, chiekal matabijas athuxotsik fuloekpon, japon pajut pejme kaxa nawiasa tato'laliajwa Diosxotsepi, ampathatpijiwbej. **11** Jesús makanot pejiwxot asey apóstolesliajwa, asey profetasliajwabej. Makanotbejpon asey japon pejwuañanawuañanaliajwa potuañanuchanpijiw. Makanotbejpon asey pastoresliajwa. Makanotbejpon asey japi chanaekabuñanaliajwa asey jiw japon pejwuañan. **12** Jesús jasoxtat pejiw makanot asey naewuañanaliajwa japon pejwuañan. Do jawux, japibej asey jiw naewuañanaxael japon pejwuañan. Ja-aech wut, asey, Jesús pejwuañan naexasiti, kaes chiekal xanaboejaxaeli Jesús. **13** Do ja-aech wut, puexa xatis kaenejchaxoelaxaes Cristo xanaboejaspxoliajwa. Jawutbej, chiekal matabijaxaes Dios

paxulan, japon Cristo. Jatis wutbej, chiekal duilaxaes. Kaes pejme chiekal Dios xanaboejaxaesbej. Me-ama Cristo chiekal Dios xanaboejt, jachiyaxaesbej xatis. **14** Xatis chiekal xanaboejas xot Cristo, tampoela-el xatis naknaekichachajbaliaw, me-ama yamxi. Asew jiw chiekal matabija chanaekabuanaaxtat naekichachajabaliaw asew jiw. Japi jiw chanaekabuana wut pajelnaewuajnax, me-ama Dios pejjamechan wut, ja-aechipox. Japi jiw nejxasink xatis naexasisliawwas japi naewuajanpox naknaekichachajbaxtat. **15** Xatis jiw nejxasinkas xot, naewuajnaxae diachwujnakolaxtat Diosliaw. Jatis wut, chiekal pachaemaxaes. Me-ama Jesús wajpaklon, jachiyaxaes pachaemspox. **16** Puexa xatis, Jesús pejuajan naexasichpis, Cristo pejiws. Samata, xatis, japon suapich, kaebu'tas wut, jatis. Wajbu'anxot xabich maenk pawiwulan, pathiwulanbej. Pe puexa chiekal najupa-el. Japoxanxot, kaenanula wajbu'anxot, xabich pachaem asaxanliaw. Jatisbej xatis. Kaenanula isas Cristo naktato'alpoxan. Xatis nakaewa nakajachawaesaxaes bichaxan isaspoxanliaw. Nakaewa nanejxasinkaxaesbej kaes pachaemaliawwas, me-ama wajpaklon Jesús, jachiliawwas xatis.

Jesús pejuajan naexasiti nejchaxoelpox, pajelnejchaxoelaxan, chiekal duilaliaw

17 Xan lelx ampox xamalliw, wajpaklon Jesucristo nato'a xot. ¡Nabey is babijaxan! Me-ama asew jiw, Dios matabijaelpi, xabich babijaxan is, ¡xamal nabey ja-aече"! Babijaxan ispi xabich asaxan nejchaxoel, pachaema-elpoxan Diosliaw. **18** Japi nejxasinka-el matabijaliaw Dios pejjamechan. Nejxasinka-elbejpi matabijaliaw pajelnejchaxoelaxan chiekal duilaliaw. Japi pejnechaxoelaxan itkua'nixot, nejxasinka-elbejpi matabijaliaw Dios. **19** Babijaxan is wutbejpi, chinax padala-el. Samata, puexa xabich pachaema-elpoxan isful. Kofa-eli japoxan. **20** Xamal Cristo pejuajan chiekal matabijam xot, ¡nabey is babijaxan! Me-ama japi jiw, ¡nabey ja-aече"! **21** Diachwujnakolax xamal jumtaenam, asew naewuajan wut Jesucristo pejuajan. Chiekal matabijambej japawuajan, diachwujnakolaxpox. **22** Samata, majt babijaxan isampoxan, ¡ma amwut kofim! Xamal japoxanliaw nejchaxoelam wut, japoxan xamal naekichachajbaxael isliawwam babijaxan. **23** Samata, ¡nejchaxoelde pachaempoxan isliawwam! Me-ama

asew jiw, naexasiti Jesús pejwɔajan, nejchaxoel pajelnejchaxoelaxan, ɔxamalbej ja-amde, nejchaxoelam wɔt! **24** ¡Nejchaxoelde pajelnejchaxoelaxan! Me-ama Dios xabich pachaem, ɔxamalbej ja-amde! ¡Isfulde puexa pachaempoxan, me-ama Dios tato'al!

25 Samata, ¡kaes asew jiw nabej kichachajbe! ¡Amwɔtjel diachwɔajnakolaxpoxkal nakaewaliajwa najɔm-amsfulde, xatis chiekal kaemɔch xot!

26 Xamal nalala wɔt, ¡babijaxan nabej is! Juimt tuila wɔt, ¡kaes nabej nalale! **27** Xamal nalala wɔt, ¡nabej tapae' Satanás naekichachajbaliajwa, babijax isasamatam!

28 Xamal natkowapijwam wɔt, ¡ma amwɔt kofim natkowampoxan! ¡Najut chiekal nabisde! Dios nejxasink xamal najut nabichliajwam bichaxan, pachaempoxan. Ja-am wɔt, xajɔpaxaelam kajachawaesliajwam jiw kijila.

29 ¡Nabej jɔm-aech'e'bej babejjamechan! ¡Jɔm-amdelax chimiajamechan! Ja-am wɔt, asew jiw kajachawaesaxaelam japi jiw kaes Dios xanaboejalialjwa. **30** ¡Nabej is babijaxan Espiritu Santo nejxaejwasamatas xamallialjwa! ¡Nabej jɔm-aech'e'bej babejjamechan! Dios to'a Espiritu Santo xamal nejmatɔuatanxotalialjwa, kajachawaesliajwabej chiekal matabijalialjwam japon pejjiwampox. Samata, asamatkoi, wajpaklon Jesucristo pejme pask wɔt, xatis nakbɔflaeyaxaelon athɔpoxase.

31 ¡Xamal kofim piach nejchaxoelampox asew babijaxan ispiliajwa xamallialjwa! ¡Xabich piach nabej ɔlatae'bej asew jiw! ¡Nabej losbej asew jiw! ¡Nabej bu'wɔajanpae'bej asew jiw! ¡Kofimbej nejmachbabijaxan! **32** ¡Isfulade pachaempoxan nakaewaliajwa! Pe kaen aton babijax is wɔt, ¡beltaem japoxliajwa! Dios xamal beltaen babijaxan isampoxanliajwa, Jesucristo tɔp xot. Samata, ɔxamalbej beltaem, asew jiw babijaxan is wɔt xamallialjwa!

Jesús pejwɔajan naexasiti machiyaxaelpox Dios nejchachaemlialjwa japiliajwa

5 Dios xamal xabich nejxasink, japon paxim xot. Samata, xamal isfulaxaelam pachaempoxan. Me-ama Dios isful pachaempoxan, ɔxamalbej ja-amsfulde! **2** ¡Nejxasinkafulde asew jiw! Me-ama Jesucristo naknejxasink, ¡ja-amsfuldebej xamal asew jiwliajwa! Japon xatis naknejxasink xot, pajut

natapaeipon asajiw boesaliajwas nakwemosliajwa xatis babijaxan isaspoxanliajwa, Dios nakbeltaeliajwa. Samata, Dios nejchachae-mil, Jesús tɔp wɔt xatisliajwa.

3 Xamal Dios pejjiwam xot, ɨnabej is puexa pachaema-elpoxan, asew jiw xamal bu'wuajanpaesamata! Samata, nejchaxoelam wɔt, ɨnabej nejchaxoele' asew watho' bu'moejsaxan, nijwa-elpow! Nejchaxoelam wɔt, ɨnabej nejchaxoele'bej asew jiw pejew kinosliajwam! **4** ɨNabej jɔm-aech'e'bej babejjamechan, wajdalaxaelpoxan! ɨNabej jɔm-aech'e'bej nejliaklaxan! Japoxan jɔm-am wɔt, japoxan pachaemaxil. ɨJɔm-amdelax Diosliajwa: “Dios, xam xabich pachaemam, nakajachawaetam xot” —amde Diosliajwa! **5** Xamal chiekal matabijam. Asew poejiw pijowpi, asew watho' naebu'moejt wɔti, japi poejiw pasaxil Jesucristoxotse, pax sɔapich, tato'alxotse. Asaxan pachaema-elpoxan ispibej, japibej pasaxil jaxotse. Asew pejew kinosasiapi, japibej pasaxil Diosxotse, kaes nejxasink xoti pejewkal. Pe japi nejxasinka-el Dios. **6** ɨNabej tapae'bej asew jiw xamal naekichachajbالياjwa isliajwam Dios fiatpoxan! Jiw, ispi japoxan, Dios kastikaxaesi. **7** ɨJapi ispoxan xamal nabej is!

8 Xamal majt babijaxan isfulam, chiekal naexasis-emil wɔtɔk Dios. Samata, majt nejnejchaxoelaxan, me-ama itku'a'nik wɔt, ja-aech. Amwɔtjel chiekal duilam, Dios pejjiwam xot. Samata, amwɔtjel nejnejchaxoelaxan, me-ama itliak, naexasitam xot Jesús pejwuajan. **9** Xatis laelpas wɔt, chiekal laelpaxaes, me-ama Dios nejxasink. Isfulaxaesbej pachaempoxan. Nakaewa najɔmchiyaxaesbej diachwuajnakolaxpoxan. **10** Nejchaxoelam wɔt, ɨnejchaxoelde isliajwam Dios nejxasinkpoxan! **11** Naexasis-elpi Jesús pejwuajan, japi babijaxan isful wɔt, ɨxamal japi nabej nakxatae' japoxan isasamatam! ɨXamallax japi jiw naewuajande kofaliajwa babijaxan ispoxan! **12** Japi jiw maliach ispoxan, kaen aton jɔmchiyaxael wɔt asew jiwliajwa, japon aton xabich padalaxael japoxanliajwa. **13** Xamal naewuajnam wɔt japi jiw Jesús pejwuajan, ja-am wɔt, japi pajut matabijaxael babijaxan ispoxan. **14** Samata, ja-aech wɔt, japilax isaxael pachaempoxan. Chajia lelspx jɔm-aech wɔt, jɔm-aechox:

“Xamal babijaxan isfulam wɔt, napelsaxaelam Diosliajwa. Samata, ɨkofim babijaxan isampoxan! Dios xamal bu'welija, Cristo tɔp” —aechox.

15 Samata, duilam wut, ¡chiekal taem babijaxan isasamatam! ¡Nabej duile!, me-ama Jesús pejwúajan naexasis-eli! ¡Chiekal duilafulde! Me-ama chiekal matabijapi Jesús pejwúajan, ¡ja-amde, xamal duilafulam wut! **16** Ja-am wut, xajupaxaelam isliajwam pachaempoxan. ¡Japoxan isfulde, xabich asew jiw babijaxan isful xot! **17** Xamal, me-ama nejliaklawam wut, ¡nabej ja-aeché! ¡Majt chiekal nejchaxoelde isaxaelampoxan, isliajwam Dios nejxasinkpoxan! **18** ¡Xamal saxa nabej fe' babijaxan isasamatam! ¡Xamallax naexasisfulde Espíritu Santo tato'alpoxan, chiekal duilaliajwam, me-ama Dios nejxasink! **19** Asew jiw suapich, natamejlam wut, ¡jajuim Diosliajwa Dios pejjajui, xabich nejchachaemlam xot Diosliajwa! **20** Waj-ax Dios naktaen, kawúajnas wut, naexasich xot Jesús pejwúajan. Samata, pomatkoicha Dios graciaschixaxaes puexa japon ispoxanliajwa xatisliajwa.

Machiyaxaelpox Jesús pejwúajan naexasiti chiekal duilaliajwa, pejbapijiw suapich

21 Nakaewa natato'lam wut, ¡chiekal na-ow-amde xamalxot wúajan ajilaliajwa! ¡Ja-amde, xamal xabich sitaenam xot Cristo!

22 Xamal watho'am, nejmol tato'al wut, ¡ow-amde! ¡Naexasisfulde, nejmol tato'al wut! Me-ama wajpaklon Jesucristo tato'alpox chiekal naexasisfulam wut, ¡ja-amsofulde xamal watho'am nejmolliajwa! **23** Dios tapaei Cristo tato'laliajwa jiw naexasiti japon pejwúajan. Dios tapaeibej kaenanula poejiw tato'laliajwa pejwatho'. Jesucristo tup xot, nakwemot xatis babijaxan isaspoxanliajwa Dios nakbu'weliajwa. Samata, puexa xatis Cristo pejjiw, naexasich xot Cristo pejwúajan. **24** Xatis, naexasichpis Jesús pejwúajan, naexasisaxaes Jesucristo tato'alpox. Watho'bej kaenanula naexasisaxael pamal tato'laspox.

25 Xamal poejwam, ¡nejxasinkde nejwatho'! Me-ama Jesucristo xatis kaenanula naknejxasink, naexasichpis japon pejwúajan, ¡ja-amsofulde xamal poejwam, nejxasinkam wut nejwatho'! Japon pajut natapaei asajiw boesaliajwas. Tup wut, nakwemoton xatis babijaxan isaspoxanliajwa. **26** Jesucristo jasoxtat nakwemot xatis babijaxan isaspoxanliajwa, naexasichpis japon pejwúajan matabijaliajwas, pachaemaliajwas Diosliajwa. Xatis nakbautisa wut, japox jiw chiekal matabijaliajwa puexa

xatis babijaxan isaspoxan nakwe-ajilpox Diosliajwa. **27** Jesucristo pejme athulelsik pask wut, japon taesia puexa xatis chiekal naexasichpox japon pejwujajan. **28** Samata, xamal poejwam, me-ama najut nanejxasinkam wut, ¡ja-amsfuldebej kaenanula nejwatho'liajwa! Pijow nejxasinkpon, japon atonbej pajutliajwa chiekal nanejxasink. **29** Kaen aton pajutliajwa nanejwesla-el. Japon aton pajutliajwa chiekal natataeful. Japon chiekal xaelbej naxaeyaxan mamnikaliajwa. Jatisbej xatis, Cristo pejwujajan naexasichpis. Cristo chiekal naktataeflaful. **30** Puexa xatis, Cristo pejbu't wut, jatis. Samata, japon naktataeflaful. **31** Dios pejjamechan, chajia lelspx, jum-aech wut, jum-aechox: “Aton pawis fit wut, pax, penxot dukaxil. Japon pejlel dukaxael, pijow suapich, japi pajut natataeflaliajwa. Majt japi kolenje. Japi nanot wut, me-ama kaen wut, ja-aechlisi” —aech Dios pejjamechan. **32** Dios pejjamechan, chajia lelspx, japox jum-aech wut, xabich pachaem xatis matabijaliajwas. Majt matabija-esal japox. Japox jum-aechbej xatis amwutjel matabijaliajwas Cristo pejjiwspox. Samata, xatis Jesús pejwujajan naexasichpis, Diosliajwa, Cristo suapich, kaebu'tas wut, jatis. **33** Samata, xamal poejwam, ¡chiekal nejxasinkafulde nejwatho'! Me-ama xamal najut nanejxasinkam wut, ¡ja-amsfulde! ¡Watho'bej, nej sitae' pamaljiw!

6 Xamal yamxim, ¡kaenanula nej-ax, nej-enbej, chiekal naexasisfulde! ¡Ja-amsfulde, xamal naexasitam xot Jesús pejwujajan! Japox Dios pejjamechan jum-aech xamal yamxim chiekal naexasisliajwam nej-ax, nej-enbej. **2-3** Dios pejjamechan, chajia lelspx, jum-aech wut, jum-aechox: “¡Sitaem nej-axjiw, nej-enjiwbej! Ja-amsfulam wut, puexa pachaemaxael xamalliajwa. Pin-iawaechan laelpaxaelambej ampathatat” —aech Dios pejjamechan. Dios to'a wut japox tato'lax, jumdutbejpon kaja-chawaesliajwa naexasitpi japox tato'lax.

4 Xamal paxjiwam, naxi to'am wut, ¡nabej tato'le' palae-yaxtat, naxibej palalasangata xamalliajwa! ¡Chiekal tato'alde naxi xamal chiekal naexasisliajwa, Dios nejchachaemlaliajwa xamalliajwa!

5 Xamal esclavos, ¡chiekal naexasisfulde, nejpaklochow tato'al wut! Japi owam wut, ¡isde chiekal! ¡Pomatkoicha chiekal nabichfuldebej nejpaklochowliajwa! Me-ama Cristoliajwa nabis-tam wut, ¡ja-amsfulde, nejpaklochow tanbistam wut! **6** Asew

jiw chiekal nabist, pejpaklochow tataeflas wüt, pejpaklochow chiekal nejchachaemlaliajwa japiliajwa. Pe paklochow tataefla-esal wüt, japi chiekal nabich-el. ¡Xamal jasox nabej ja-aeche'! ¡Xamal chiekal nabisde! Me-ama Jesucristo pejjiw chiekal nabist, ¡xamal ja-amde puexa nejpamamaxtat, nabistam wüt nejpaklochowliajwa! Japoxlap Dios nejxasink xamal isliajwam. 7Xamal asew jiwliajwa nabistam wüt, ¡chiekal nabisde! Jawüt, nejchaxoelam wüt, ¡nejchaxoelde ampox: “Nabistax wüt, nabichaxaelen, me-ama Cristoliajwa nabistax wüt, jachiyaxaelen” —amde, nejchaxoelam wüt! Me-ama majt xamal asbuan jumch asew jiwliajwa chiekal nabich-emil, ¡jasox nabej ja-aeche', amwütjel nabistam wüt! 8Xamal esclavos, esclavos-emilpimbej, chiekal matabijam Dios pajut xamal chaxduiyaxael, kaenanula chiekal nabistam wüt Jesúsliajwa.

9Xamal paklochwam, ¡pachaemde namakjiwliajwa! ¡Nabej bʉ'athiye', namak tato'lam wüt! Xamal paklochwam, nejchaxoelam wüt, ¡nejchaxoelde ampox! Xamalbej nejpaklon. Japon Dios, athuxotsepon. Diosbej paklon namakliajwa. Dios puexa xatis chiekal naktaen. Samata, xatis kaenanula Dios nakkastikaxael, isas wüt babijaxan. Samata, xamal namak tato'lam wüt, ¡chiekal tato'alde!

Pajut chiekal natataeflaxaelpox Jesús pejwujajan naexasiti, Satanás naekichachajbasamatas

10Takoew, Dios pejjiwam xot, ¡xamal kaes mamnikde Dios pijaxtat japon xanaboejampoxliajwa! 11Soldaw nabeliajwa wüt, patiya naxoei, padaelmajiw xua'balas wüt xakolasamatas. Xamalbej jachiyaxaelam. ¡Dios chaxduwpoxan naxoem mamnikaliajwam! Japoxan naxoeyam wüt, Satanás xajupaxil xamal malechaliajwa, xapaeja wüton xamal babijax isliajwam. 12Xatis nabaes wüt, nabe-esal, jiw sʉapich. Xatislax nabaes, taeyaxisalpi sʉapich. Japi, Satanás pejjiwpi, “dep” —tispi. Japon jiw tato'al, babijaxan ispi ampathatat. Tato'albejpon puexa dep, nanuamti pothata. 13Samata, xamal nabeyax wujajna, ¡chiekal thilsfulde! ¡Dios chiekal xanaboejimbej! Ja-am wüt, Satanás pijaxtat babijax pat wüt, xamal xajupaxaelam chiekal mamnikaliajwam.

14Soldaw patiya naxoei, padaelmajiw xua'balas wüt xakolasamatas. Do jawux, padaelmajiw sʉapich, naba wüti, japi soldaw dukpaxil. Kaekawütat nuilpi nabeliajwa.

Xamalbej, ¡ja-amde! Samata, ¡Dios chiekal xanaboejim, Satanás xapaaja wut malechasamata, chiekal xamal matabijam xot Dios pejjamechan, diachwajnakolaxpox! ¡Isfuldebej puexa pachaempoxan! **15** ¡Xamal chiekal thilsfulde naewwajnalijwam chimiawwajan, Jesús pejwajjan, jiw chiekal pachaemaliajwa Diosliajwa! **16** Soldaw xafol patiyaxan, pawulpox escudo, xat-elbalaliajwa, itkua'balaliajwabej japoxantat, padaelmajiw buyan tamduwpi, xapajaldan wut japilel. Xamal, me-ama soldaw, ¡ja-amsfulde! Dios chiekal xanaboejamprox, me-ama escudos, jachiyaxael. Samata, ¡Dios chiekal xanaboejim xamal kajachawaesliajwa, Satanás xapaaja wut, xamal babijaxan is-elalijwam! **17** Soldaw matlua'abej patiyaxan,

pawulpox casco, padaelmajiw matnaebijlas wut buyatat xakolasamatas. Xamal naexasitampim Jesús pejwajjan Dios bu'weyaxael. Japox xamalliajwa, me-ama casco, ja-aech. Soldaw xafol espada padaelmajiw beliajwa. Xamalbej, me-ama japi, ¡ja-amde! Dios pejjamechan, me-ama espada, ja-aech, Espíritu Santo chaxdutupowa, xamal Satanás malechaliajwam, xamal naekichachajbasia wuton. **18** ¡Xamal Dios kawwajande pomatkoicha! Me-ama Espíritu Santo xamal tato'al kawwajnalijwam, ¡ja-amsfulde! ¡Dios kawwajandebej



(Efesios 6.10–20)

puexa asew jiwliajwa, Dios pejjiwpiliajwa! **19** ¡Dios kawwajandebej xanliajwabej nakajachawaesliajwa, naewwajnax wut judíos-elpi! ¡Dios kawwajandebej, xan tajlewla-elaliajwa japi naewwajnax wut chiekal jumatabijaliajwa chimiawwajan, majt matabija-elprox Dios bu'welija! **20** Dios nato'a jiw naewwajnalijwan japawwajan, wwajan xananwamsan wut, jachiliajwan. Samata, xan amwutjel jiw jebatatax. ¡Xanliajwa Dios nawekawwajande tajlewlasamata, asew jiw naewwajnax wut Diosliajwa!

Pablo saludos xato'apox, carta lelux kitoesliajwa wut

21 Wajkoewan Tíquico, puexa xatis nejxasinkaspon, japon xamalxot pa'a wut, puexa tajwujajan chapaeyaxaelon. Tíquico chiekal nakajachawaet, Dios pijax bichax isfulax wut. **22** Samata, xan to'ax Tíquico xamal poxade. Ja-aech wut, kofaxaelam xabich nejchaxoelampox xanliajwa.

23 Waj-ax Dios, wajpaklon Jesucristobej, kawujajna xamal kajachawaesliajwa chiekal duilaliajwam, asew jiw suapich. Kawujajna xbej nakaewa nanejasinkaliajwam, Dios xanaboejam xot. **24** Xan Dios kawujajna xbej japon kajachawaesliajwa puexa naexasiti Jesús pejwujajan, japi jiw, xabich nejxasinkpi wajpaklon Jesucristo.